

〔三代實錄清和〕貞觀九年八月廿二日戊子、太皇太后宮宮主外從五位下直千世麻呂、齋院寮大初位下直伊勢雄等五人賜姓直宿彌。○等字以下八字據一本補

〔續日本紀聖武〕天平二十年五月己丑、右大史正六位上秦老等一千二百餘烟賜伊美吉姓。

〔三代實錄清和〕貞觀六年八月八日壬戌、讚岐國多度郡人美作掾從六位下秦子上成、弟無位秦子彌成等三人賜姓忌寸。本系出自秦始皇帝也。

〔續日本紀文武〕大寶二年九月乙酉、從五位下出雲狛賜臣姓。

〔續日本紀聖武〕天平十九年六月辛亥、正五位下背奈福信略。○中賜背奈王姓略。○外從五位下出雲屋

麻呂、臣姓。

〔續日本紀光仁〕寶龜七年八月癸亥、山背國乙訓郡人外從五位下羽粟翼賜姓臣。

〔續日本紀文武〕二年八月戊子朔、茨田足鳥賜姓連。

〔續日本紀聖武〕神龜元年五月辛未、正六位上久米奈保麻呂賜姓久米連。

〔續日本紀聖武〕天平二十年八月辛丑、賜外從五位下高市大國連姓。

〔續日本紀孝謙〕天平勝寶三年十月戊辰、布勢真虫賜君姓。佐伯諸魚連姓。

〔續日本紀稱德〕神護景雲二年七月乙酉、大初位下忌部越麻呂等十四人賜姓連。

〔日本後紀嵯峨〕弘仁元年十月戊子、河內國人從七位下勇山國島、正七位下家繼、正八位上真繼、從八

位下文繼等賜姓連。

〔續日本紀文武〕大寶三年四月辛亥、從七位下和氣坂本賜君姓。

〔續日本紀孝謙〕天平勝寶三年十月戊辰、布勢真虫賜君姓。

〔續日本紀稱德〕天平神護元年十一月戊午朔、上野國甘樂郡人中衛物部蟬淵等五人賜姓物部公。

〔續日本紀文武〕慶雲元年十月戊辰、幡文通賜造姓。